

《佛說無量壽經》 補充講表

◎附表六：歎其二利（自利他利）功德

○以諸法藥，救療三苦。（苦苦，壞苦，及與行苦，是其三苦。）苦以逼惱為義。

《八大人覺經》云：「乘法身船，至涅槃岸；復還生死，度脫眾生；以前八事，開導一切，

令諸眾生，覺生死苦，捨離五欲，修心聖道。」

《佛遺教經》云：「是故當知，世皆無常，會必有離，勿懷憂惱，世相如是。當勤精進，早求解脫，以智慧明，滅諸癡暗。世實危脆，無堅牢者，我今得滅，如除惡病。此是應捨之身，罪惡之物，假名為身，沒在老病生死大海；何有智者，得除滅之，如殺怨賊而不歡喜！汝等比丘，常當一心，勤求出道，一切世間動不動法，皆是敗壞不安之相。汝等且止，勿得復語，時將欲過，我欲滅度。是我最後之所教誨。」

※欲界……苦苦、壞苦、行苦。此界眾生有男女、飲食、睡眠等種種欲望，故名「欲界」。

其範圍包括天道之「六層天」，及「五趣雜居地（餘五道所居處）」。

※色界……壞苦、行苦。此界天人，無有男女之別，不向外貪求五欲，惟以禪悅滋養身心。

無欲故無「苦苦」，然猶有身、殿色相，及禪悅之「樂受」，將來終須壞滅，不離無常，故有「壞苦」及「行苦」。壞苦：「任汝千般快樂，無常終是到來。」

※無色界……行苦。「行」為遷流生滅之義，而生滅遷流即是「苦」。

《大乘起信論》云：「一切心行，念念生滅，以是故苦。」

此界眾生禪定更深，不但無諸貪欲，且無諸色相，其第六意識緣「虛空」等處而入「空定」，因空法持心，故諸色相不得起，故名「無色界」，又名「空界」。

○其所修行，清淨無穢。

《普賢菩薩行願品》云：「猶如蓮華不著水，亦如日月不住空。」

○本學明了（以下糅合《佛說無量壽經義疏》卷二）

本學明了，喻習化法。學為化本，故名為本。於佛化法，習之委善，名學明耳。

○供養諸佛，化現其身，猶如電光。善學無畏之網，曉了幻化之法。

《佛說無量壽經義疏》卷二云：「供養諸佛，化現其身，猶如電光：明修福行。供養諸佛，興福廣也；化身如電，起行疾也；一念之間，化身遍至。從養諸佛矣，善學已下，明修智行。善學無畏，修習智方便。曉了幻化，智行成就。又學無畏，於人不怯。曉了幻化，於法能知，簡邪取正，名為善學。達正過邪，所以無畏。以無畏智統攝諸法，故名為網。」

【佛四無畏】：

一、一切智無所畏，二、漏盡無所畏，三、說障道無所畏，四、說盡苦道無所畏。

【菩薩四無畏】：

一、總持不忘，說法無畏。

二、盡知法樂，和知道眾生根性，說法無畏。

三、善能問答，說法無畏。

四、能斷物疑，說法無畏。

○曉了幻化之法

《靈峰宗論》卷第四之一云：「《金剛經》如幻如夢者，為破凡外二乘，我法二執言之。夫

夢境雖空，而夢心即是覺心；幻事雖虛，而幻本亦不全虛；
泡雖無實，而非無水；影雖無實，而非無質。」

《金剛經》所說的「夢幻泡影」，在使令我們理解到依他起的一切法不僅是緣生無性，而且亦是無性緣生；當不住著相（即不住真諦之空相與俗諦之有相）時，從相就能證到性，即所謂全事即理，如《彌陀要解》五重玄義云：「深信西方依正主伴，皆吾現前一念心中

所現影，全事即理，全妄即真，全修即性，全他即自。」